



Broj: 05-2781-22/23
Sarajevo, 18.06.2024. godine

Na osnovu člana 23. Zakona o Agenciji za bankarstvo Federacije BiH („Službene novine Federacije BiH“, broj: 75/17), člana 16. stav (1) tačka g) Statuta Agencije za bankarstvo Federacije BiH („Službene novine Federacije BiH“, broj: 3/18), člana 64. stav (1) tačka b), člana 70. stavovi (1), (3) i (6) Zakona o javnim nabavkama („Službeni glasnik BiH“, broj: 39/14 i 59/22) i člana 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“, broj: 103/14 i 49/23), a na osnovu preporuke Komisije za nabavke iz Zapisnika o pregledu i ocjeni ponuda broj: 05-2781-21/23 od 14.06.2024. godine, direktor Agencije za bankarstvo Federacije BiH donosi

ODLUKU

o izboru najpovoljnijeg ponuđača u postupku nabavke usluga

Član 1.

I Stavlja se van snage Odluka o izboru najpovoljnijeg ponuđača, broj: 05-2781-15/23 od 28.02.2024. godine.

II Na osnovu Zapisnika o pregledu i ocjeni ponuda, broj: 05-2781-21/23 od 14.06.2024. godine, ugovor za nabavku usluga razvoja softverskog rješenja za digitalizaciju procesa supervizije za potrebe Agencije za bankarstvo Federacije BiH (u daljem tekstu: Ugovorni organ) dodjeljuje se grupi ponuđača: „Lupon Ventures“ d.o.o. Sarajevo i „ITM Research“ d.o.o. Sarajevo.

Član 2.

Ukupna vrijednost ugovora iz člana 1. stav II ove Odluke utvrđuje se u iznosu od 497.500,00 KM bez uračunatog poreza na dodanu vrijednost (PDV), što sa uračunatim PDV-om iznosi 582.075,00 KM.

Član 3.

Nakon sticanja uslova Ugovorni organ će sa izabranim ponuđačem zaključiti ugovor o nabavci usluga, kojim će regulisati međusobna prava i obaveze.

Član 4.

Odluka će biti objavljena na internetskoj stranici Ugovornog organa: www.fba.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa odredbama člana 70. stav (6) i člana 71. stav (2) Zakona o javnim nabavkama.

Član 5.

Za izvršnje ove Odluke zadužuje se i ovlašćuju Sektor za informaciono-komunikacione tehnologije i Sektor zajedničkih funkcija.

OBRASLOŽENJE

Odlukom o pokretanju postupka nabavke, broj: 05-2781/23 od 04.06.2023. godine, odobreno je provođenje postupka javne nabavke usluga razvoja softverskog rješenja za digitalizaciju procesa supervizije za potrebe Ugovornog organa. Javna nabavka provedena je putem otvorenog postupka, a kao kriterij za izbor najpovoljnije ponude odabrana je najniža cijena. U skladu sa članom 35. Zakona o javnim nabavkama, Obavještenje o nabavci broj: 3010-1-2-257-3-61/23 objavljeno je na Portalu javnih nabavki (www.ejn.gov.ba) dana 01.09.2023. godine, a sažetak Obavještenja o nabavci u „Službenom glasniku BiH“, broj: 62/23 dana 08.09.2023. godine. Procijenjena vrijednost predmetne javne nabavke utvrđena je u iznosu od 500.000,00 KM, bez uračunatog poreza na dodanu vrijednost (PDV).

U skladu s Rješenjem Ugovornog organa, br. 05-2781-2/23 od 09.10.2023.godine, imenovana je Komisija za javne nabavke, kojim su definisane njene nadležnosti, a koje, između ostalog, uključuju poslove javnog otvaranja ponuda, pregled i ocjena dostavljenih ponuda, sačinjavanje zapisnika o pregledu i ocjeni ponuda, te davanje preporuke Ugovornom organu za donošenje odluke o izboru ponuđača.

Slijedom navedenog, Komisija je u okviru svojih nadležnosti i ovlaštenja provela predmetni postupak javne nabavke, te o tome sačinila Zapisnik o pregledu i ocjeni ponuda, br. 05-2781-7/23 od 10.11.2023.godine, u kojem je konstatovano da su u predmetnom postupku javne nabavke pravovremeno pristigle ukupno 4 (četiri) ponude, te je na osnovu izvršenog pregleda i ocjene dostavljenih ponuda donesena Odluka o izboru najpovoljnijeg ponuđača, broj: 05-2781-8/23 od 14.11.2023. godine.

Na Odluku o izboru najpovoljnijeg ponuđača, broj: 05-2781-8/23 od 14.11.2023. godine, dana 28.11.2023.godine, zaprimljena je žalba od strane grupe ponuđača, zastupana putem advokata Sanela Nezirića, broj: JN-18-274/23.

Ured za razmatranje žalbi BiH, Filijala Mostar je po osnovu navedene žalbe donio Rješenje, broj: JN2-03-07-1-2536-8/23 od 12.01.2024. godine, kojim je djelimično usvojena žalba te stavljena van snage Odluka o izboru najpovoljnijeg ponuđača broj: 05-2781-8/23 od 14.11.2023. godine i postupak je vraćen Ugovornom organu na ponovno odlučivanje.

Temeljem navoda zaprimljenog Rješenja ureda za razmatranje žalbi, a u skladu sa članom 68. stav (3) Zakona o javnim nabavkama, zatraženo je pojašnjenje ponude grupi ponuđača „Teneo“ Sarajevo i „Core“ d.o.o. Sarajevo, te grupi ponuđača „Lupon ventures“ d.o.o. Sarajevo i „ITM Research“ d.o.o. Sarajevo.

Nakon dostavljenih pojašnjenja ponude od strane obje grupe ponuđača, Komisija je izvršila detaljnu analizu dostavljenih pojašnjenja, te je na osnovu izvršene analize i ocjene ponuda i pojašnjenja u pogledu kvalifikacijskih i cjenovnih uslova postupka javne nabavke, Komisija utvrdila sljedeće:

- Ponuda grupe ponuđača: „Lupon ventures“ d.o.o. Sarajevo i „ITM Research“ d.o.o. Sarajevo je prihvatljiva, obzirom da ista ispunjava sve uslove koji su propisani Tenderskom dokumentacijom te su dostavljeni svi dokazi zahtijevani Tenderskom dokumentacijom na propisan način;
- Ponude ponuđača „QSS Društvo za softversku tehnologiju“ d.o.o. Sarajevo, grupe ponuđača: „Teneo“ d.o.o. Sarajevo i „Core“ d.o.o. Sarajevo, te grupe ponuđača: „PROINTER IT RJEŠENJA I SERVISI – PROINTER IT SOLUTIONS AND SERVICES“ d.o.o. Sarajevo i „PROINTER ITSS“ d.o.o. Banja Luka su neprihvatljive, obzirom iste ne ispunjavaju sve uslove koji su propisani Tenderskom dokumentacijom te nisu dostavljeni svi dokazi zahtijevani Tenderskom dokumentacijom na propisan način.

Temeljem sačinjenog Zapisnika o pregledu i ocjeni ponuda, donesena je Odluka o izboru najpovoljnijeg ponuđača, broj: 05-2781-15/23 od 28.02.2024. godine.



Na Odluku o izboru najpovoljnijeg ponuđača, broj: 05-2781-15/23 od 28.02.2024. godine, dana 15.03.2024. godine, zaprimljena je žalba od strane grupe ponuđača, zastupana putem advokata Sanela Nezirića, broj: broj: JN-19-66/24.

Po osnovu navedene žalbe, Ured za razmatranje žalbi BiH, Filijala Mostar donio je Rješenje, broj: JN2-03-07-1-904-8/24 od 05.04.2024. godine, kojim je djelimično usvojena žalba te stavljena van snage Odluka o izboru najpovoljnijeg ponuđača broj: 05-2781-15/23 od 28.02.2024. godine i postupak je vraćen Ugovornom organu na ponovno odlučivanje.

Temeljem navoda zaprimljenog Rješenja ureda za razmatranje žalbi, a u skladu sa članom 68. stav (3) Zakona o javnim nabavkama, grupi ponuđača „Lupon ventures“ d.o.o. Sarajevo i „ITM Research“ d.o.o. Sarajevo upućen je Zahtjev za pojašnjenje ponude, broj: 05-2781-20/23 od 10.06.2024.godine.

Navedena grupa ponuđača „Lupon ventures“ d.o.o. Sarajevo i „ITM Research“ d.o.o. Sarajevo je dana 13.06.2024. godine na protokol Ugovornog organa dostavila akt Dopuna odgovora/pojašnjenja, dodatne dokumentacija.

Dakle, Komisija je prema Rješenju Ureda za razmatranje žalbi BiH, Filijala Mostar, broj: JN2-03-07-1-904-8/24 od 05.04.2024. godine uputila dodatni Zahtjev za pojašnjenje grupi ponuđača „Lupon ventures“ d.o.o. Sarajevo i „ITM Research“ d.o.o. Sarajevo, te je na osnovu savjesne i brižljive ocjene svakog dostavljenog dokaza posebno i svih dokaza zajedno utvrdila stvarno činjenično stanje, tj. ispunjavanje svih uslova navedene grupe ponuđača, kako je zahtijevano tenderskom dokumentacijom u provedenom postupku javne nabavke.

Uvidom u priloženu dokumentaciju, ponudu kao i detaljno pojašnjenje ponude, vidljivo je da je ponuda grupe ponuđača „Lupon Ventures“ d.o.o. Sarajevo i „ITM Research“ d.o.o. Sarajevo jedina ocijenjena kao prihvatljiva, te je Komisija dala preporuku da se istom, saglasno članu 69. stav (1) tačka b) Zakona o javnim nabavkama dodijeli ugovor u predmetnom postupku javne nabavke.

U postupku donošenja ove Odluke posebno su cijenjene činjenice da je Komisija za nabavke pravilno i potpuno izvršila ocjenu kvalificiranosti ponuđača, te pregled i ocjenu ponude, u skladu sa kriterijima iz Tenderske dokumentacije.

Uvažavajući naprijed navedeno, primjenom člana 25., člana 64. stav (1) tačka b), člana 70. stavovi (1), (3) i (6) Zakona o javnim nabavkama, te člana 8. stav (2) tačka d) Pravilnika o uspostavljanju i radu Komisije za nabavke, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba Ugovornom organu – Agenciji za bankarstvo Federacije BiH, najkasnije u roku od 10 (deset) dana od dana prijema ove Odluke, saglasno članovima 97., 99. i 101. Zakona o javnim nabavkama.

Žalba se izjavljuje Uredu za razmatranje žalbi/Kancelariji za razmatranje žalbi – Filijala/Podružnica Mostar, putem Ugovornog organa, u pisanoj formi, direktno ili preporučenom poštanskom pošiljkom. Žalba se podnosi u najmanje 3 (tri) primjerka.

Dostaviti:

1. Ponuđačima u postupku;
2. Sektor zajedničkih funkcija;
3. a.a.

DIREKTOR
Jasmin Mahmuzić

